



অবিলম্বে প্রকাশের উদ্দেশ্যে: 11/14/2023

গভর্নর ক্যাথি হোকল

নিউ ইয়র্কের ফার্মগুলোকে জলবায়ু পরিবর্তনের প্রভাবগুলির সাথে মোকাবেলা করতে সাহায্য করার জন্য গভর্নর হোকল প্রায় 16 মিলিয়ন ডলারের ঘোষণা করেছেন

প্রোগ্রামের অর্থায়ন গত বছরের তুলনায় দ্বিগুণ হয়েছে যা পরিবেশগত স্থায়িত্ব এবং চরম আবহাওয়ার ঘটনাগুলির প্রতি স্থিতিস্থাপকতা বাড়াতে 116টি খামারকে সহায়তা করেছে

নির্বাচিত প্রকল্পগুলি প্রতি বছর আনুমানিক 64,000 মেট্রিক টন গ্রীনহাউস গ্যাস হ্রাস করবে

গভর্নরের দেশের-নেতৃস্থানীয় জলবায়ুর এজেন্ডা এবং জলবায়ুর নেতৃত্ব ও সম্প্রদায়ের সুরক্ষা আইনকে সমর্থন করে

গভর্নর ক্যাথি হোকল আজ ঘোষণা করেছেন যে রাজ্য জুড়ে 116টিরও বেশি ফার্মকে জলবায়ু পরিবর্তনের প্রভাবগুলির সাথে মোকাবেলা করার জন্য সাহায্য করতে ক্লাইমেট রেসিলিয়েন্ট ফার্মিং গ্র্যান্ট কর্মসূচির রাউন্ড 7-এর মাধ্যমে প্রায় 16 মিলিয়ন ডলারের পুরস্কার দেওয়া হচ্ছে। ক্লাইমেট রেজিলিয়েন্ট ফার্মিং প্রোগ্রাম হল রাজ্যের কৃষি পরিবেশগত ব্যবস্থাপনার কাঠামোর একটি অংশ যা স্থানীয়ভাবে কাউন্টির মৃত্তিকা ও জল সংরক্ষণ জেলাগুলি এবং অংশগ্রহণকারী কৃষকদের দ্বারা পরিচালিত হয়। নির্বাচিত প্রকল্পগুলি প্রতি বছর আনুমানিক 64,000 মেট্রিক টনের কার্বন ডাই-অক্সাইডের সমতুল্য গ্রীনহাউস গ্যাসকে কমিয়ে দেবে অথবা এক বছরের জন্য রাস্তা থেকে 14,000টিরও বেশি গাড়ি বাদ দেওয়ার মতো পরিবেশগত স্থায়িত্বকে বৃদ্ধি করবে এবং জলবায়ু পরিবর্তনের সাথে সম্পর্কিত চরম আবহাওয়ার ঘটনাগুলির স্থিতিস্থাপকতা বাড়াবে। রাজ্যের আক্রমনাত্মক জলবায়ুর এজেন্ডার অংশ হিসাবে নিউ ইয়র্ক স্টেটের অর্থবছর 2023-এর প্রণীত বাজেটে প্রোগ্রামটির জন্য তহবিল দ্বিগুণ করা হয়েছিল।

"নিউ ইয়র্কের কৃষি শিল্প বন্যা থেকে শুরু করে খরা পর্যন্ত প্রায়শই আমাদের পরিবর্তনশীল জলবায়ুর সাথে সম্পর্কিত গুরুতর চ্যালেঞ্জের সম্মুখীন হয় যা তাদের ফসল এবং তাদের জীবিকার উপর প্রভাব ফেলে," **গভর্নর হোকল বলেছেন।** "ক্লাইমেট রেজিলিয়েন্ট ফার্মিং অনুদানের প্রোগ্রাম এই চ্যালেঞ্জগুলিকে দূর করতে সরাসরি পদক্ষেপ নিচ্ছে যা আমাদের কৃষকদের এমন প্রকল্প বাস্তবায়নে সাহায্য করেছে যা আবহাওয়া-সম্পর্কিত ক্ষতি প্রতিরোধ করে এবং গ্রীনহাউস গ্যাসের নির্গমনকে হ্রাস করে এবং তাদের পরিবেশগত পদচিহ্নকে হ্রাস করে আমাদের কৃষকরা যাতে জলবায়ু পরিবর্তনের সমাধানের অংশ হন তা নিশ্চিত করে।"

এই সর্বশেষ রাউন্ড সহ ক্লাইমেট রেজিলিয়েন্ট ফার্মিং অনুদানের কর্মসূচির সাতটি রাউন্ডের মাধ্যমে, গ্রীনহাউস গ্যাসের নির্গমন কমাতে, মাটির স্বাস্থ্যকে উন্নত করতে এবং শক্তির সঞ্চয়ের প্রচারকে সাহায্যকারী সেবা ব্যবস্থাপনার অনুশীলন (BMPs) বাস্তবায়নের জন্য নিউ ইয়র্ক স্টেট জুড়ে 386টি খামারকে সহায়তা করার জন্য প্রায় 36 মিলিয়ন ডলারের পুরস্কার দেওয়া হয়েছে। এছাড়াও প্রকল্পগুলো ফসল ও গবাদি পশুর উপর খরা চলাকালীন সময়ের পাশাপাশি ভারী বর্ষণ ও বন্যার প্রভাব প্রশমিত করতে সেচ সক্ষমতা বৃদ্ধি করেছে এবং পানি ব্যবস্থাপনার প্রতি জোর দিচ্ছে।

উদাহরণস্বরূপ, প্রোগ্রাম শুরু হওয়ার পর থেকে ক্ষয় নিয়ন্ত্রণ, কার্বন বিচ্ছিন্নকরণ এবং মাটির স্বাস্থ্যের উন্নতিতে সাহায্য করার জন্য 178টি খামারে প্রায় 100,000 একরের কভার ফসল পুরস্কৃত করা হয়েছে, উপরন্তু, অন্যান্য সুবিধার মধ্যে 49টি খামার জুড়ে 156 একরের রিপারিয়ান ফরেস্ট বাফারের পরিকল্পনা করা হয়েছে বন্যার দ্বারা হওয়া ক্ষতি থেকে ফসলকে রক্ষা করার জন্য।

কাউন্টির মাটি এবং জল সংরক্ষণের জেলাগুলিকে (SWCDs) তিনটি ট্র্যাকের একটিতে কৃষকদের পক্ষ থেকে অনুদানের পুরস্কার দেওয়া হয়েছিল: মিথেন হ্রাসের জন্য পশুসম্পদ ব্যবস্থাপনা; খামারগুলিকে জলবায়ুর পরিবর্তন দ্বারা চালিত আবহাওয়ার চরম পরিস্থিতিগুলি সহ্য করতে সহায়তা করার জন্য অভিযোজন এবং স্থিতিস্থাপকতার প্রকল্পসমূহ; এবং স্বাস্থ্যকর মৃত্তিকা NY-তে মাটির জৈব পদার্থ, কার্বন বিচ্ছিন্নকরণ, জলপথে মাটির ক্ষয় এবং পুষ্টির দূষণ কমাতে এবং ফসলের ফলন বাড়াতে।

ক্লাইমেট রেজিলিয়েন্ট ফার্মিং অনুদানের প্রোগ্রাম রাজ্যের কৃষি পরিবেশমূলক ব্যবস্থাপনার পরিকল্পনার কাঠামো অনুসরণ করে এবং এটি কাউন্টির SWCD-দের দ্বারা পরিচালিত ও বাস্তবায়িত হয়। কাউন্টির SWCD-গুলি প্রাকৃতিক সংস্থান সংরক্ষণ এবং পরিবেশগত চ্যালেঞ্জ এবং সুযোগের চাপের মোকাবেলার জন্য খামার এবং সম্প্রদায়গুলির সাথে কাজ করে।

নিম্নলিখিত অঞ্চলগুলির SWCDগুলিকে ক্লাইমেট রেজিলিয়েন্ট ফার্মিং কর্মসূচীর জন্য রাউন্ড 7-এর অনুদান পুরস্কৃত করা হয়েছে:

- **রাজধানী অঞ্চল:** 1,221,092 ডলার চারটি খামার নিয়ে কাজ করার জন্য
- **সেন্ট্রাল নিউ ইয়র্ক:** 17টি খামারের সাথে কাজ করার জন্য 1,817,866 ডলার
- **ফিঙ্গার লেকস:** 40টি খামারের সাথে কাজ করার জন্য 4,342,175 ডলার
- **হাডসন ভ্যাল:** পাঁচটি খামারের সাথে কাজ করতে 381,210 ডলার
- **মোহক ভ্যালি:** 12টি খামারের সাথে কাজ করার জন্য 2,804,446 ডলার
- **নর্থ কান্ট্রি:** 15টি খামারের সাথে কাজ করতে 1,283,743 ডলার
- **সাউদার্ন টিয়ার:** 11টি খামারের সাথে কাজ করার জন্য 1,801,037 ডলার
- **ওয়েস্টার্ন নিউ ইয়র্ক:** 12টি খামারের সাথে কাজ করার জন্য 1,469,802 ডলার

অর্থপ্রাপ্ত প্রকল্পসমূহের সম্পূর্ণ তালিকা ও বর্ণনার জন্য, অনুগ্রহ করে [কৃষি ও বাজার বিভাগের ওয়েবসাইটটি দেখুন](#)।

নিউ ইয়র্ক স্টেটের কৃষি কমিশনার রিচার্ড এ. বল বলেছেন, “ক্লাইমেট রেজিলিয়েন্ট ফার্মিং অনুদানের কর্মসূচি জলবায়ু পরিবর্তনের সাথে লড়াই করার জন্য আমাদের যুদ্ধে এবং আমাদের সেই কৃষকদের সুরক্ষা প্রদানের জন্য বাস্তব সমাধান প্রদান করে চলেছে যারা আমাদের নিউ ইয়র্কে বছরের পর বছর ধরে দেখা গুরুতর আবহাওয়ার ঘটনাগুলির ক্রমবর্ধমান সংখ্যার পরে প্রকৃত কষ্টের সম্মুখীন হন। আমি গভর্নর হোকল এবং আমাদের আইনসভার প্রতি কৃতজ্ঞ যারা রাজ্যের জলবায়ুর বিষয়সূচি এবং আমাদের পরিবেশগত স্থায়িত্ব বাড়াচ্ছে এমন কর্মসূচিগুলিকে সমর্থন করে চলেছে।”

নিউ ইয়র্ক স্টেটের পরিবেশগত সংরক্ষণের বিভাগের কমিশনার বেসিল সেগোগোস বলেছেন, “কৃষি ও বাজার বিভাগের মাধ্যমে ক্লাইমেট রেজিলিয়েন্ট ফার্মিং অনুদানের কর্মসূচি কৃষকদের নিউ ইয়র্কের ফার্মগুলিতে স্থিতিস্থাপকতা বাড়াতে এবং স্থায়িত্ব উন্নত করার জন্য অর্থায়ন দিয়ে জলবায়ু পরিবর্তনের সাথে লড়াই করতে রাজ্যের প্রচেষ্টাগুলিকে শক্তি প্রদান করার জন্য প্রয়োজনীয় সংস্থানগুলি প্রদান করেছে। গ্রিনহাউস গ্যাসের নিগমন কমাতে, পরিচ্ছন্ন পরিবেশ এবং স্বাস্থ্যকর খাবার নিশ্চিত করতে এবং নিউ ইয়র্কবাসীদের জন্য পরিবেশ অনুকূল ভবিষ্যৎকে এগিয়ে নিতে কৃষকরা একটি বড় ভূমিকা পালন করেন। আজ ঘোষিত অনুদানের কর্মসূচিটি কৃষি খাতে বিনিয়োগের এবং জলবায়ু পরিবর্তনের বিরুদ্ধে লড়াইয়ে এবং স্থায়িত্ব অগ্রসর করতে সহায়তা করার চলমান প্রচেষ্টায় গভর্নর হোকলের অঙ্গীকারের উপর জোর দেয়া।”

নিউ ইয়র্ক ফার্ম ব্যুরোর সভাপতি ডেভিড ফিশার বলেছেন, “নিউ ইয়র্কের কৃষকরা তাদের খামারগুলিতে জলবায়ু পরিবর্তনের পরিণাম এবং এর প্রভাবগুলি প্রশমিত করতে এবং তাদের কার্বন পদচিহ্ন হ্রাস করার ক্ষেত্রে তাদের ভূমিকাকে সম্পূর্ণরূপে বোঝা ক্লাইমেট রেসিলিয়েন্ট ফার্মিং প্রোগ্রাম এই উভয় প্রচেষ্টায় খামারগুলিকে সহায়তা করে, খামারগুলিকে সর্বোত্তম ব্যবস্থাপনার অনুশীলনের বাস্তবায়নে সহায়তা করে যা শক্তিশালী পরিবেশগত ব্যবস্থাপনার রেকর্ডের উপর ভিত্তি করে। নিউ ইয়র্ক ফার্ম ব্যুরো গভর্নর হোকলকে এই কর্মসূচিতে তার অব্যাহত সমর্থনের সাথে রাজ্য জুড়ে সেই মাটি ও জল সংরক্ষণের জেলাগুলিকে ধন্যবাদ জানায় যারা আমাদের মূল্যবান অংশীদার।”

স্টেট সিনেটর মিশেল হিনচে বলেছেন, “আমাদের কৃষকরা পরিবর্তনশীল জলবায়ুর প্রথম সাক্ষী, এবং চরম আবহাওয়ার বিরুদ্ধে পরিবেশগত স্ট্র্যাটজি এবং স্থিতিস্থাপকতার জন্য সব চেয়ে কার্যকর পদ্ধতিগুলিকে স্কেল করতে সাহায্য করার জন্য তাদের আমাদের অব্যাহত সমর্থনের প্রয়োজনা ক্লাইমেট রেসিলিয়েন্ট ফার্মিং অনুদানের প্রোগ্রাম এই প্রচেষ্টায় সহায়ক ভূমিকা পালন করেছে, যা আমার সেই জেলা সহ রাজ্য জুড়ে কৃষকদের সহায়তা প্রদান করেছে, যেখানে দুটি আলস্টার কাউন্টির সবজির খামার ডিজেল থেকে বৈদ্যুতিক সেচ পাম্প রূপান্তর করেছে। জলবায়ু সংকটের বিরুদ্ধে আমাদের লড়াইয়ে উল্লেখযোগ্যভাবে অবদান রাখতে আরও কৃষকদের সাহায্য করার জন্য আমি গভর্নর হোকল, এজি অ্যান্ড মার্কেটস এবং আমাদের স্থানীয় মাটি ও জল সংরক্ষণের জেলাগুলিকে তাদের অংশীদারিত্বের জন্য ধন্যবাদ জানাই।”

আসেস্বলির সদস্যা ডনা লুপার্ডো বলেছেন, "ক্লাইমেট রেজিলিয়েন্ট ফার্মিং প্রোগ্রাম কৃষকদেরকে তাদের উপর জলবায়ু পরিবর্তনের প্রভাবগুলির সাথে আরও ভালভাবে মোকাবেলা করার জন্য এবং তাদের চাষাবাদের পদ্ধতিতে প্রয়োজনীয় সংস্থান সরবরাহ করে। অর্থাৎ প্রকল্পগুলি মিথেন হ্রাস, আবহাওয়ার স্থিতিস্থাপকতা এবং মাটির স্বাস্থ্যের মতো অত্যন্ত গুরুত্বপূর্ণ ক্ষেত্রগুলিকে সম্বোধন করে। আমি গভর্নর এবং আমার সহকর্মীদের কর্মসূচীটির জন্য তাদের ক্রমাগত সহায়তার জন্য এবং মাটি ও জল সংরক্ষণের জেলাগুলিকে তাদের মূল্যবান কাজের জন্য ধন্যবাদ জানাতে চাই।"

নিউ ইয়র্ক স্টেটের মাটি ও জল সংরক্ষণ কমিটির সভাপতি ডেল স্টাইন বলেছেন, "ক্লাইমেট রেজিলিয়েন্ট ফার্মিং অনুদানের কর্মসূচী আমাদের কৃষকদের এবং মাটি ও জল সংরক্ষণের জেলাগুলিকে খামারে সর্বোত্তম ব্যবস্থাপনার অনুশীলনগুলি বাস্তবায়নের জন্য তাদের প্রয়োজনীয় সংস্থানগুলি সরবরাহ করে চলেছে যা শুধু আমাদের প্রাকৃতিক সংস্থানকে রক্ষা এবং তাদের পরিবেশগত পদচিহ্নকে কমাতে সাহায্যই করছে না, বরং এটি তাদেরকে সেই চরম আবহাওয়ার ঘটনাগুলি থেকে রক্ষা করে যা ফসল ধ্বংস করতে পারে। এই বর্ধিত তহবিলের সাথে, প্রোগ্রামটি রাজ্য জুড়ে আরও বেশি খামারে পৌঁছাচ্ছে। আমি আমাদের কৃষি শিল্প এবং জলবায়ু পরিবর্তনের বিরুদ্ধে লড়াইয়ে তাদের অবদানগুলির জন্য গর্বিত।"

2015 সালে চালু করা, ক্লাইমেট রেজিলিয়েন্ট ফার্মিং কর্মসূচী রাজ্যের জলবায়ু নেতৃত্ব এবং সম্প্রদায়ের জন্য সুরক্ষার আইনের অধীনে গ্রিনহাউস গ্যাসের নির্গমন কমাতে এবং কর্মরত জমিগুলিতে কার্বনের সিকোয়েস্ট্রেশন বাড়ানোর লক্ষ্য পূরণে রাজ্যের কৃষি খাতকে সমর্থন করে। এখন পর্যন্ত, প্রোগ্রামটির মাধ্যমে, কাউন্টির SWCD-গুলি দ্বারা প্রদত্ত বিশেষজ্ঞ প্রযুক্তিগত সহায়তায় সহ প্রায় 400টি খামার এমন পরিবর্তনগুলি বাস্তবায়ন করতে সক্ষম হয়েছে যা পরিবেশগত পদচিহ্নকে হ্রাস করতে এবং পরিবর্তনশীল জলবায়ুর প্রভাবের প্রতি স্থিতিস্থাপকতার বৃদ্ধিতে অবদান রাখছে।

নিউ ইয়র্ক স্টেটের দেশের নেতৃত্বকারী জলবায়ু পরিকল্পনা

নিউ ইয়র্ক স্টেটের দেশ-নেতৃত্বস্থানীয় জলবায়ুর এজেন্ডা হল দেশের সব চেয়ে আক্রমনাত্মক জলবায়ু এবং পরিচ্ছন্ন শক্তি উদ্যোগ। জলবায়ু নেতৃত্ব এবং সম্প্রদায়ের সুরক্ষার অ্যাক্টের মাধ্যমে, নিউ ইয়র্কের লক্ষ্য রয়েছে 2030 সালের মধ্যে 70 শতাংশ নবায়নযোগ্য শক্তির উৎপাদন সহ 2040 সালের মধ্যে পরিচ্ছন্ন শক্তি এবং শূন্য-নিঃসরণ সহ বিদ্যুতের খাতে রূপান্তর করা এবং অর্থনীতিতে ব্যাপক কার্বন নিরপেক্ষতায় পৌঁছানো।

এটি রাজ্য জুড়ে 120টি বড় আকারের নবায়নযোগ্য এবং ট্রান্সমিশনের প্রকল্পগুলিতে 35 বিলিয়ন ডলারের বেশি বিনিয়োগের উপর ভিত্তি করে গড়ে তোলে, যার মধ্যে আছে ভবনগুলির নির্গমন কমাতে 6.8 বিলিয়ন ডলার, সৌরশক্তি বাড়াতে 1.8 বিলিয়ন ডলার, পরিচ্ছন্ন পরিবহনের উদ্যোগের জন্য 1 বিলিয়ন ডলারের বেশি এবং NY গ্রীন ব্যান্ডের প্রতিশ্রুতিতে 1.6 বিলিয়ন ডলারেরও বেশি সহ পরিচ্ছন্ন শক্তি বাড়াতে নিউ ইয়র্কের অভূতপূর্ব বিনিয়োগ। সম্মিলিতভাবে, এই বিনিয়োগগুলি 2020 সালে নিউইয়র্কের নির্মল জ্বালানি খাতে 158,000 এরও বেশি চাকরি, 2011 সাল থেকে বিতরণকৃত সৌর খাতে 2,100 শতাংশ প্রবৃদ্ধি এবং 2035 সালের মধ্যে 9,000 মেগাওয়াট অফশোর বায়ুশক্তি গড়ে তোলার প্রতিশ্রুতিকে সমর্থন করে।

জলবায়ু আইনের অধীনে, নিউ ইয়র্কে এই অগ্রগতির উপর ভিত্তি করে নির্মাণ করবে এবং 2050 সালের মধ্যে গ্রিনহাউস গ্যাস নির্গমনকে 1990 এর স্তর থেকে 85 শতাংশ কমাতে, এবং নিশ্চিত করবে যে পরিচ্ছন্ন শক্তির বিনিয়োগের 40 শতাংশ বেনিফিটের অন্তত 35 শতাংশ সুবিধাবঞ্চিত সম্প্রদায়গুলিকে দেওয়া হবে, এবং চূড়ান্ত ব্যবহারকারীর শক্তির খরচ সাশ্রয় করার মাধ্যমে অন-সাইট শক্তি খরচ 185 ট্রিলিয়ন BTU কমানো, যাতে 2025 সালের শক্তির দক্ষতার লক্ষ্যের উদ্দেশ্যে অগ্রসর হওয়া যায়।

###

আরো সংবাদ এখানে পাওয়া যাবে এখানে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)